

常昭合志稿卷第二十七

人物志六 耆舊

國朝

邵齊燾 齊烈 齊熊 聖籍 邵齊然 齊鰲 墳直

王湘 趙于槐 貴覽 同湘 同岐 元琛 元章 林

譚見龍 顧鎮 蔣果 光祖 光彌 方春熙 陳士林 和聲

蔣炳 蘇汝礪 孫鎬 景如柏 雙橋 吳省三

錢維錫 錢大章 張敦均 大鑑 張敦培 大備 元齡

姚左垣 景熹 言如泗 朝楫 朝棟 朝棟

湯愈 陶廷墀 廷墀 廷培 貴鑑 貴孫 王庭筠

陳桂森 季學錦 美錦 惠連 書錦 成銳 周榮 礪 礪 堡 鎮 壬福

常昭合志稿

卷二十七

人物六 耆舊

席巽 吳蔚光 慶基 憲敬 慶鐘 慶集

吳熊光 俞廷柏 照烈 焯 李書吉 翁咸封

曾濟 豫謙 途文 曾涉 陶鎔 蔣瞻肥 因培 成

張燮 定球 王愷 黃泰 邵廣融 淵耀

周慎恭 楊景仁 景誼 席煜 孫原湘

程定謨 邵元章 王家相 楊希銓 希銓 希鏞

龔聚 縉壽 鄧琳 龐大莖 龐大奎 鍾琳

翁心存 吳贊 方鉞 熊 姚福增 福均

蔣士麒 翁同書 翁同爵 王憲成 憲中

張璐 瑛 瑛 龐鍾璐 邵亨豫 朱根仁 曾觀文 金章

楊泗孫

邵齊燾字荀慈號叔六先世休寧籍高祖鄉飲賓嘉祚始遷常
熟祖甲臨年十二補諸生清姿玉立錢陸燦器重之早卒父
韓字鄂庭待次主事少孤能強毅自立受業何焯讀書務精
博書得二王法生五子燾其次也以昭文籍登乾隆壬戌進
士選庶吉士 駕幸翰林院錫宴齊燾與焉尋獻東巡頌論者
以為班楊之亞恬性淡不省揣合乃自署其門曰道山祿隱
在翰林十年充書局纂修者再充京兆分校者再以大考罷
歸乙酉 南巡 詔以原官起用辭疾不赴貌清古眉目疏
秀精章草著有玉芝堂文集詩集子培德甲辰進士麗水知

常昭合志稿

卷二十七

人物六 耆舊

一一

縣次聖籍字子山幼穎異為諸生常以古人自期每讀書必
盥手肅衣冠始展卷謂不爾非以對聖賢也袁枚一見呼為

小友與之言稱畏友甫弱冠卒

鄭虎文墓志

齊烈字直承齊燾兄

乾隆乙丑與弟齊然同榜進士 朝考第一選庶吉士逾年

卒詩文溫潤如其人

玉芝堂集

子聖藝字仲游能詩畫山水得北

宋人法

墨林今話

齊熊字方虎晚號松阿齊燾弟乾隆丁卯舉人

考授內閣中書諸昆弟皆治古文齊熊尤好之嘗選唐宋以

來古文十八家名曰文繫著有禮記考義隱几山房稿隱几

山房七錄卒年七十七

潛研堂文集

子聖珪字禹錫風神秀朗弱

冠舉於鄉年二十五遽卒

言志

邵齊然字闇谷齊熹弟年十八舉於鄉明年會試中式以疾遽
歸戊辰補殿試選庶吉士散館授刑部主事進員外郎調兵
部己卯分校順天鄉試遷戶部郎中出爲温州知府署寧紹
台道調杭州釐正南糧倉諸弊治獄多所平反所至專務惠
愛化民以母老乞終養未及歸卒祀杭州名宦齊然幼聰敏
與兄齊熊每夜課閱資治通鑑一卷一夕閱至劉道祥倣征
西賦混雞犬而競放二語父韓戲令補足齊然首用徐季穆
銅頭鐵額一聯韓此笑曰卽古人映帶之法因舉東坡匪伊
垂之帶有餘故事勗之後 朝考玉壺冰詩結云一片心如
許期將答 聖朝卽從此悟入也工書法尤善行書弟齊齋

常昭合志稿

卷二十七

人物六 耆舊

三

字抃山附貢生亦工駢體文

梁國治
墓上心

齊然子培德字養正諸

生少受業於顧鎮長學詩於秀水蔣秋涇恪守師法不失其

傳中年後奉母家居杜門不出自號樸存以見志

嵒山人
文續錄 葆

廣銓字蘭風諸生游京師舒鐵雲位王仲瞿墨奇其才引與

唱和譚謙無虛日尤工倚聲製尊酒蓉影二詞第廣鈞字聞

風亦諸生立品清峻工詩文及書法一時碑志多出其手

家述

齊鰲元孫璿字莘卿附貢生有幹才李文忠督師江蘇璿隨

營積功由訓導洊保知府分河南督道口嵯務以利藪不欲

久處改直隸道璿究心醫家言讀古書多神悟每以新意治

疾輒奏效工詩文有兜率陀室集

家述

王湘字庭如常熟人幼聰穎工詩文由乾隆乙丑明通榜任無
錫教諭二十餘年成就高才辦理塘工賑務以卓異薦補宜
城令邑居衝要軍七民三歷任竭蹶不遑湘應以整暇供應
滇省凱旋 禁旅尤合機宜歷署羅田蘄州廣濟棗陽所至
昭雪疑獄體恤民隱調繁潛江邑濱漢江高家堰決不待報
可趣築隄岸開倉賑貧災民安堵以勞瘁失明告歸年八十

卒

家述

趙王槐字器梅永孝子乾隆乙丑由宛平籍登明通榜歷任山
東知縣有斥鹵地數百頃民苦賠累會查沿河水衝田畝卽
堅請一併豁免在冠縣值大水委負勘不成災王槐力爭得

常昭合志稿

卷二十七

人物六 耆舊

四

邀賑卹在諸城前令虧帑將得罪王槐慨然出結代爲籌補
同僚莫不高其義晚調汶上請告歸增建祠宇聞文毅公兕
觥在曲阜顏氏介翁閣學方綱書親往以玉學銀船易歸酌
酒告廟一時傳爲盛事卒年八十道光中旌孝子

錢大昕墓志子

貴覽字雁祥少隨父任壽張民王倫反陷堂邑距冠僅三十
里王槐適赴省貴覽與校官及尉集丁壯固守城得完入貲
爲湖南令歷任瀏陽湘潭等縣舉卓異擢乾州同知時逆苗
石柳鄧作亂乾州已陷貴覽陰訶其險阻繪爲圖隨總兵袁
敏由瀘溪進兵大小數十戰復其城乃嚴斥堠招流亡勸開
墾建乾州石城置鎮溪強虎二石堡爲犄角加知府銜適父

卒大吏欲奏留貴覽曰先文毅以此劾江陵吾可身蹈之乎
力請奔喪以母老不復出卒年五十三

吳錫麒
志墓

貴覽子同湘

字向亭例授懷來知縣地當蒙古孔道減差徭節支應民累
得除道光元年任邱大水調署縣事甫入城問倉籍有穀萬
餘石歲久莫敢發明日匹馬出城環隄周數而召災民告之
曰吾欲爲隄若干里速赴工吾以倉穀賑汝歸盡出倉穀而
後上其事布政使大驚急檄毋擅發同湘詣省自陳制府意
動允爲入告會受代去同湘曰爲民牧而求芻吾分也請受
因公挪移咎隄終不可輟兩月堤成活災民無算旋回懷來
任中風疾引去以倉穀未完羈保定日不能具兩餐後諸子

常昭合志稿

卷二十七

人物六

耆舊

五

陳艾病困請代償穀乃就醫京師卒

毛飛熙
撰傳

同湘弟同岐字

鳳山爲從父貴羣後乾隆甲寅副榜署無錫教諭選知安溪

縣一歲中清積案二百五十餘起調晉江捕獲洋盜蔡牽匪

黨牽糾隊來犯同岐往剿直攻牽舟率遁去尋復破之於島

澳部檄赴都將子優敘會疾卒晉江民於講堂側建室祀之

朱珩
撰傳

同湘子元琛字蔚泉道光辛卯舉京兆試隨父懷來任

司出納懷來故苦賠累而父喜周急脫手千金元琛承親志
無難色迨父去官竭力奉養屢試春官不售乃以文酒自娛

家傳

元琛弟元勛字雪歐候選府經歷多巧思元章字石卿由

供事補博野典史調平鄉值粵逆北犯有守城功再調望都

會捻匪北竄登陴三晝夜得疾尋卒元章子林字補齋同治
戊辰進士吏部主事好談論能文章顧多病不能勤治曹事
值開言路條陳時政數千言著有詩文稿采訪稿
譚見龍字文升號潛初昭文人乾隆甲子舉人投粵東龍門縣
後補直隸樂亭所至以忠信慈惠稱洗手奉職歸田無以自
存年垂八十卒子諤庭諸生言志參採訪稿

顧鎮字備九號虞東支塘人祖應瑞字輯五諸生為人公正無
梗避歲祲出粟行糜活餓人無算父黃鉞字山柔增生六經
子史皆手治丹黃於毛詩尤深少失恃終身哀慕父沒水漿
不入口有雙白燕飛舞苦次朱榮之為作白燕歌黃叔琳墓志鎮

常昭合志稿 卷二十七 人物六 耆舊 六

乾隆戊午舉人同里蔣文恪以經學薦授國子助教登甲戌
進士遷宗人府主事以年老引歸先是陳祖范主紫陽書院
鎮往執弟子禮辨難經解史義居京師遊黃叔琳陶正靖門
學益進以經師著名歷主金臺虞山白鹿鍾山書院所成就
多聞人嘗佐蔣文恪撫湖南凡簿書章奏兵刑錢穀皆司其
成所著有虞東學詩三禮劄記支溪小志錢法考袁枚志墓
蔣果字華林廷錫孫父洲字履軒由二品廕生刑部郎中累官
至山東巡撫果少為世父文恪嘉許屢試不售以例知河南
襄城調汝陽洛陽祥符升許州牧擢守懷慶調開封明年擢
開歸陳許道坐累開復沒於京邸果前後在豫二十七年於

河務尤諳練官許州時以事至省適當紅沙開暴漲立措錢
二千緡以應工需或以越俎爲言果曰國事民命甯有畛域
耶河勢南趨改南岸爲北岸果於大柳寨開濬引河別築南
隄先是果嘗請修黑壩壩中丞何公以時過秋汛欲緩之果
言今深冬水落大溜直逼埽根一經春漲恐溢溢不可治力
爭得請明年水陡漲他埽隨廂隨蟄獨增修工巋然何乃歎
服乾隆辛丑青龍崗決口果於下流設救生船並置糶糒活
者無算性情厚慷慨宗親故舊求無不應沒鮮餘資音志參孫原洲
志墓子光祖初名光世字景劉好學工詩乾隆甲辰 召試二
等二名戊申舉京兆試旋充咸安宮教習卒於京師光弼字

常昭合志稿

卷二十七

人物六 耆舊

七

鏡吾乾隆丙午舉京兆試充四庫館校對咸安宮教習歷知
浙江於潛山陰雲和等縣署紹興同知所至有政聲在於潛
嚴治土棍歲旱登山虔禱輿城隍神同鎖烈日中三日甘霖
大注嘉慶丁卯戊辰分校浙闈多知名士家述

方春熙字麟伯號耕梅曾祖兆由休寧遷邑之梅李父恆益性
好善歲飢施粥施衣以濟貧者春熙博涉經史乾隆丁丑以
常熟籍連捷成進士授吏部文選司主事以父艱歸起復授
考功司奉職以清謹稱其居鄉也創建梅李書院延名師主
講里有通海橋易木以石俾堅固可久素行醇茂氣度嫺雅
與人交和易無城府中年喪耦終身不再娶卒於官陶志稿

陳士林字杏村常熟人父之白字心粹好學敏記覽力行善事
惟恐人知士林少從宗老祖范游貧不能購書恒手鈔盈篋
登乾隆丁丑進士任貴州甕安丞從施秉知縣爲政捐去苛
細剗削崖岸遇獄應機立剖事無留滯辛卯甲午兩與分校
以病乞歸優游林壑與言如泗趙王槐邵齊熊蘇去疾爲五
老會卒年七十七家述子聲和字協宮由廩生貢成均試輒居
六館士先詩才雋穎白門唱和時爲袁枚所咨賞年三十遽
卒哀過虞哀挽云一代清才最汝憐無端騎去遙天傷心八
十龍鍾叟又向人間哭少年著有紀遊北征等集言志
蔣炳字師垣肄業成均以薦知大田縣邑亢旱徒行數十里禱

常昭合志稿

卷二十七

人物六 耆舊

八

雨立應竟以是得疾疾亟口占以謝其民曰十年國子生八
月大田令知我敢言遲促我胡太橫未展平生奇空辜 天

子聖回首視爾民蔣炳其如命遂卒子重勳山西州牧陶敦和傳

畧

蘇汝礪字商弼常熟人少力學工詩古文精楷法善鼓琴乾隆
十八年選貢授遠安縣以儒術道民咸知向學嘗攝荆門州
兼枝江篆以勘重獄冒風雨渡江舟覆幾殆疾作竟沒年未
四十無子士論惜之先是邑久旱汝礪徒跣走禱赤日中歸
途雨如注故其殮也民饋之樽其歸山路祭亘六里著有操
縵集其師陳祖范序之言

孫鎬字豐謀祖祈福自休寧徙昭文鎬少穎敏喜讀通鑑甫弱冠遵例授睢州牧適豫省水災中丞以睢州稍殺請賑不許鎬卽發常平穀六千石貸之中丞愕然曰爾不及待耶對以民不能待鎬得罪於公不敢得罪於民中承釐之卽檄署歸德府丁祖母憂舊例祖在不得爲祖母承重鎬以奔喪請三上乃行遂著爲令服闋補保安牧量移奉天治中尋轉山西潞安府路故三晉衝會稅入多龐裁去五十餘條商民兩便黎城令某能事上官虐其民民將爲難鎬先摘印而後上其事旋以失察屬吏去官潞民傾城泣送左遷成都通判歷署寧遠嘉定眉州事值進討巴勒布總理軍需局從將軍出打

常昭合志稿

卷二十七

人物六 耆舊

剪爐口牴第哩嘜古軍營聞母訃請奔喪不許奏留軍營哀毀勞瘁卒年五十四奏復原官鎬性豁達與人交披肝露膈遇人緩急解囊倒篋無少吝書畫俱工

家狀

景如柏字東庭孝子流慶元孫例授兵馬司指揮轉都察院都事改刑部主事遷員外郎慎密有幹畧乾隆四十六年奉派馳赴阿文成軍營辦甘肅逆回事補西寧道歷署臬篆常徹夜不寐期無枉縱逆回田五作亂復隨營征剿尋以病乞歸病痊仍發甘肅補安肅道卒於任如柏貌豐偉外圓通而內整肅家本裕以久宦破產代兄椿繳官項數千金而宦橐固蕭然也子八長葵字書常增生少有文譽早卒

李學錫狀 葵弟燮

字闡仙善詞章嘉慶戊午舉人挑取謄錄以知縣用歷任安
徽繁昌福建海澄建安等縣以失察左遷崇安縣丞卒於官
幾不能歸葬任海澄時鄰邑有以偽印徵漕者變秦檄往捕
其魁治之一無株累戴太守嘉穀延閱試卷或以重金餽求
首選堅卻弗受居鄉佐王觀察家相輯虞山人文小傳著有
漱閣詩文集其子培林字瑤圃諸生亦有文望雙弟炳字綺
堂副貢生安徽定遠教諭勤於訓士家述如柏兄椿字莊年例
授福建布政使經歷署泉州通判盤獲洋匪擢知州改發雲
南署臨安知府留心民瘼所在有政聲歷官卅餘年家無擔
石承辦銅廠缺額發新疆回籍後 特恩復職恭與千叟宴

常昭合志稿

卷二十七

人物六

耆舊

十

乎二長煜諸生

言志

吳省三字企曾常熟人例授延平府通判攝沙縣事民爲奸豪
所殺母利其金不報省三廉得之親至其家謂母曰金易得
耳忍使爾子啣冤地下乎遂啟棺檢視傷痕宛然乃抵豪於
法以艱歸起補金華府通判升同知引歸陶敦相傳
錢維錫字慶長常熟人例授東城副指揮坊市肅然無報竊者
擢知開州州有何氏謀殺其夫誣扳其子與媳并夫之妾同
謀三人並坐極典而姦夫凌亮邦從輕擬決屢經審駁迄無
定讞維錫平心推鞠得亮邦同謀狀遂照例加等與何氏同
罪而其子媳與妾均得昭雪旋丁父憂歸服除補延慶州調

保安州所在有政績以累罷官卒於家年七十有八子霑字
實夫乾隆庚辰順天副榜先卒家傳

錢大章字俊聞號鷺洲常熟人祖飛鵬字九扶年登大臺力行
善舉曾修尊經閣及福城塔拯潮災難民咸命大章襄理大
章於乾隆庚戌成進士授樂平令輸漕轉運弊清民悅振興
翥山書院乾隆甲午分校多得名宿士歸里後絕跡公庭而
於學宮書院平糶勸賑諸事率先恐後引掖後進講畫不倦
侍親族有恩紀訓子弟不少假子廷鼎任蘭溪丞卓薦遷武

昌縣知縣陳桂森墓志

張敦均字仲絜一字二聞常熟人明建寧守文麟裔孫父仁美

常昭合志稿

卷二十七

人物六 耆舊

士

字遷里附貢生博學工文喜藏書手自讐校至老不倦敦均
乾隆庚辰捷進士授刑部主事升郎中詳慎刑紀勤於其官
迭充鄉會試同考官擢山西道御史條陳竊盜凡有再赦以
前之案仍併計定罪部覆報可止辟安良深符律意以生病
告歸未抵里聞赴比服闋遂懷疴可起年僅四十有二家素

席豐清約如寒素工制義弟敦培踵為御史時稱競爽蘇去疾墓

志參陶志稿嗣子大鑑字友柏昭文廩生工詩善畫築聚墨齋收

藏古人名跡著有詩畫錄四卷盛大士撰傳

張敦培字叔因號息園昭文籍少力學籠雞榻畔聞鳴即起乾
隆乙未成進士由四庫館分校授內閣中書充軍機章京仕

至福建道監察御史典湖北試再與禮闈分校乞養歸敦培
居官廉靜而諳練庶務在軍機阿文成特重之內行純備建
宗祠修族譜捐田贍族故人孫某卒以千金卹其子人以爲
難卒於家年六十一祀鄉賢石府志 參家述子大鏞字鹿樵乾隆甲
寅舉人官內閣中書升侍讀出爲山西河東道河東領鹺務
向有退商僉商之弊太鏞至立除之疏濬姚暹渠添築護隄
馬道以衛鹽池復捐俸修學宮建書院在任三年亦以母老
乞養歸邑有大工役或歲大祲輒捐巨金爲倡增置贍族田
千畝立義學以教族姓築半堃新莊養芳讀書手校陳芳績
地里沿革表崑山歸莊元蒸集及父執趙同翮太倉馮偉遺

常昭合志稿

卷二十七

人物六 耆舊

七

集並刻以行世所著有師善錄日省編退食廬隨筆河東從
政錄吾面齋詩集自怡悅齋書畫錄卒亦祀鄉賢劉鴻翱墓 參家傳

孫元齡字介眉號約軒由諸生例授鄖陽通判鄖民控營卒
不逞經歷某不請於閩帥執而笞之三營皆怒鬩而聚於山
閩帥不能制時元齡兼權鄖縣篆單騎往曉以大義咸感悟
束身歸伍丁父憂歸尋以在任時呈誤免官旋捐助浙省海
防軍餉復原銜家已中落乃醮金爲出山計適邑有賑荒浚
河之役遂慨助焉又爲族祖明忠臣承慶立祠並祀隨殉及
邑人之乙酉殉節者其敦尚名節如此倪良耀 撰傳豐玉初名承
煥字子謙亦敦培孫父大銓性豪俠傾囊周急不吝終山西

鹽尹任至貧無以殮商民率錢襄事始克歸櫬嘗以醫術愈
通州某痼疾贈以美姝立時擇偶而資嫁之豐玉幼勤讀好
蓄古書積數萬卷以廩貢生任海州訓導州民故强悍諸生
屢有以健鬪斥者豐玉爲請於州修學校興書院時與之習
禮其中士皆知自愛任七載未嘗褫一衿丁酉庚子有相繼
登賢書者列卓異選浮梁縣丞承向有陋規悉卻不受歷署
萬年樂平浮梁縣事以克復浮梁功加大品銜旋謝病歸素
工詩尤精詞不拘一格妙造自然目盲後猶日課一首不輟
所著詞律補遺說文通假錄皆散佚瓶花廬詩詞鈔四卷藏
於家

家述

常昭合志稿

卷二十七

人物六 耆舊

三

姚左垣字掖天昭文人父大勳字受東號耐庵少孤力學既壯
棄舉子業壹意讀書夙工書晚年益臻超詣兼工寫山水就
養都門名動公卿友人某將遠游以妻子相託大勳資助數
年遇邑中事不憚捐貲爲倡年八十無疾卒著有醒齋雜錄
左垣幼承家學亦善書畫登乾隆庚辰進士授吏部驗封司
主事以諸城劉文正公薦調考功兼文選司派大西倉監督
京察記名相國阿文成公管部倚任之某少宰欲變易舊章
左垣與郎中魯蘭枝鐵保力爭之少宰怒尋被議鐫級歸阿
公謂人曰姚君之去人謂其黨余也余與姚君黨亦何媿旣
罷官紙徒壁立應聘爲昆陵雲山書院山長爰憂服闋畢尙

書沅聘主江漢書院自是楚游不返嘉慶六年卒年七十七

履頤
志墓

大勲從弟景熹字公安諸生性純厚篤志經學尤究心

於三禮有子名宗城官主簿

言志

官如泗字素園博士如洙弟由諸生恭遇 臨雍陪祀禮成

賜恩貢生補官學教習期滿銓授垣曲知縣調聞喜大計卓
異擢保德知州乞養歸丁父憂服闋補解州擢襄陽知府旋
被議去官乾隆三十六年恭遇 慶典祝 釐復職服官二
十年以愛民教士爲先務垣曲芮城平陸書院均所創建前
葺東雍解梁條山諸書院延師主講公餘親與諸生講解隨
時資給之去晉時鹺商釀白金二千有奇爲贖郤之不得白

常昭合志稿

卷二十七

人物六 耆舊

兩

諸當事者充書院經費垣曲城濱黃河易以大石築隄水患
遂息又築渠亳河分上流以溉下流田數百頃民稱言公渠
聞喜涑水湍急大渠久圯別浚新渠建橋涑水溉五村之田
民食其利解州白沙河土堰水漲易潰改築石渠五里姚暹
渠本爲護鹽池而設向倒商民分修奸商將全諉於民力爭
於上官始止漢江老龍隄積年欹廢次第修築長於讞獄申
雪誣枉片言立斷治盜嚴民間夜不閉戶任聞喜時適用兵
準部軍書絡繹經畫裕如傅忠勇督師征緬甸襄陽爲入楚
首郡舟車供頓悉不擾民卒以剛嚴撻制府怒撫細故被劾
歸後雖起用以繼母陳年高侍養不復出興建先賢墓享堂

御書坊 御書亭修葺郡城先祠西城書院祠祭器咸備
宗族繁衍分居浙東及楚南者增刻家乘源流秩然親族貧
乏者賜給之邑中學校及游文書院皆創議修葺家居四十
年矜厲風概著有文學錄家乘解州志常昭合志初任一覽
還初筆記等書卒年九十有一子朝楫朝標節錄言朝楫字
耐思乾隆壬午舉人授婺源知縣調貴池會父罷職亦移疾
歸養再出知浙江浦江縣旋乞歸朝楫明敏有才幹在婺源
創建文廟俗好訟爲立一告訴法訟以簡貴池民鬪毆誤傷
其弟婦繫十九人朝楫至察其誣盡釋之居鄉遇利濟事不
避嫌怨父好遊關漁隱外莊相隨釣遊其間父母年九十餘

常昭合志稿

卷二十七

人物六 耆舊

五

朝楫已七十娶媿孺慕人爭羨之善書常以古帖自娛竟日
揮翰不倦卒年七十八孫原湘朝標字舉雲以諸生召 試

賜舉人授內閣中書己酉成進士改刑部湖廣司主事升

員外郎乙卯典試廣東升郎中總辦秋審處外擢夔州知府
調保寧以艱歸再出補柳州調鎮安攝右江道朝標夙裁整
峻歷典大郡以清節目持歸主游文講席擅詞賦兼工篆隸
年八十餘卒家如泗從子朝栻字鳳懷博士如洙次子也廩

生侍母疾目不交睫者累月撫猶子如已出以孝友稱家

湯愈字文起昭文人明祁州學正洪裔孫年十一爲福城塔賦
有雋語及長坐卧一小樓哀集圖史日夜討習不休從陳祖

范游盡通諸經於易書三禮春秋國語論孟辨論考證有經
義解疑詩古文集舉於鄉京師宿學聞愈名願得見見則以
曲臺記中散事爲問愈條繫演說卒無以難與休寧戴震同
里顧鎮交乾隆癸未成進士未謁選卒愈湛深經術更篤於
倫理士大夫咸敬仰之

采訪稿

陶廷墀字約齋貞一孫昭文籍父承勛字季牧性孝友父病禱
於神願以身代與兄同居三十年無一語齟齬言廷墀與兄
廷埜弟廷塏廷埜並以讀書砥行著聞於時乾隆乙酉與廷
埜並舉於鄉大挑二等選寶應訓導寶應舊無書院廷埜謀
之邑令在喬侍讀縱棹園招諸生課之並詳定規條永遠弗

常昭合志稿

卷二十七

人物六 耆舊

夫

替尋以母病去官家居建宗祠葺節孝總祠自奉甚約而周
卹故舊賑濟鄉里無吝色嘗揭四語於書舍曰厚以居心謙
以接物勤以立身儉以治家訓子弟先器識後文藝嘉慶甲
戌重游泮宮年八十餘卒子貴鎮貴鑑

孫原湘志
參家述

廷塏字若

川又字耕芍諸生文詞工雋性伉爽喜任事邑中修明倫堂
開玉帶河諸役賴以集事節孝總祠圯倡議修葺期年工竣
人尤稱之

虞山人文
續鈔小傳

廷埜字茂君常舉人官潛山教諭以

母老不能迎養兩載卽告歸天性伉直意所不可輒而斥之
趙同翮常云聖人以直諫多聞爲三益茂君其兼之矣有茂
君詩鈔子貴銘

家述

貴鎮字德載號松巖嗜古好學乾隆乙卯

舉人嘉慶四年挑取謄錄期滿得縣令不赴再試春闈卒於

京邸年四十二人文續貴鑑字靜涵號香輪廷墀第三子未

弱冠補常熟諸生好為沈博絕麗之文治經義外於四部無

不宣究尤熟於國朝掌故鄉邦舊聞年四十餘舉於鄉大

排二等授望江教諭有土豪以爭田故誣讒諸生胡俊株連

者眾邑令為所蔽幾速大獄貴鑑躬詣撫學兩院委曲剖辨

事乃白令被劾去貴鑑亦以同官側目遂引退旋署鎮江教

授多所成就李學士承霖其一也歸主游文書院愛才若渴

於寒素尤多獎拔捐館之日士林悲惋貴鑑立品端方而辭

氣和藹下至僕隸未嘗呵斥士之下者來謁亦與均禮晚歲

常昭合志稿

卷二十七

人物六 耆舊

七

勤學不異少壯咸豐辛亥重游泮宮壬子截取知縣以年老

不謁選授太常寺博士卒年七十有九著有樂循理齋詩集

知稼軒劄記子念徐附貢生候選訓導景溶諸生殉粵寇難

邵淵耀撰貴銘字慎緘昭文籍自少勤學與貴鎮同歲舉於

鄉立身不苟居恒手置書帖無少歇側嘗舉吳梅村視儿清

靡見性情句自况亦可知其品概已虞山人文

王庭筠初名浩字養吾自號无黨常熟人乾隆乙酉拔貢考授

州同權廣西柳州府經歷署永康州事補西隆州同兩攝州

篆西隆地處極邊土苗雜處向多陋規庭筠至不設管門家

人不受門包不鬻差票不慶生辰不採買土物不收餘穀民

皆稱便嘗伴問吏曰官何由得錢對曰易耳凡審期先數日懸牌錢不至則改期自是朝懸牌夕審夕懸牌朝審獄無淹滯謝罷後貧甚以教授自給每論文索癡指瑕不少假詞色及門多知名士而得其家學者從子家相爲最著所著有懷蓼堂詩古文粵西從宦畧家述子元晉字曰蕃諸生

陳桂森字和叔號耕巖常熟人父昌期字品三廩生其族人祖范序其文稱爲文行完粹桂森幼孤家貧刻苦自勵受業祖范得其端緒乾隆丙戌登進士選庶吉士授編修改御史轉吏科給事中擢光祿少卿一爲正考官三爲同考官兩爲學政巡城巡倉者一巡漕者再桂森起自單寒崖岸自峻未嘗

常昭合志稿

卷二十七

人物六 耆舊

六

干謁當路而膺 朝廷特達之知乃益自刻勵具在翰林遇大比之年四方士子雲集憚其清正不敢有所請託視學陝甘不收供應一切所需悉發價值任御史時有議天下寺僧度牒者奏停領牒公費巡視倉漕嚴飭廉從不得交通屏除陋規謝絕饋遺督學廣東未及按試卒疾亟時撫軍郭世勳來視入卧內練帳蕭然太息良久而去詩文和粹如其人書

學得力於李北海趙吳興

邵齊熊志墓

季學錦字近思號絅齋昭文人性孝友工詩古文乾隆己丑進士改庶吉士授檢討充文淵閣校理入直上書房擢侍講出爲山西雁平道創建斗山書院於代州修孫傅庭祠平反孟

木成寃獄詳免所屬石壓地糧民懷其惠兩攝臬篆積牘一
清遷河東鹽運使時商力疲乏請改課歸丁缺裁改補福建
督糧道調興泉永道再調臺灣道加按察使銜甫下車擒治
林爽文餘黨廖掛等嘉慶二年臺郡猝被火風學錦飛章告
災即請於閩督發藩帑二十萬先爲撫卹民賴以生三年冬
卒於任孫成銑字礪之敏而好學不問家人生產年未冠補
諸生連試高等七膺鄉薦不售工駢體文古今體詩言學錦
兄美錦字慎遠號虞峯常熟籍戊子舉人性倜儻家貧事母
至孝淬厲幼弟晝錦讀書得成立兩試禮闈被放卒於京邸
晝錦字景韓號恬齋辛卯舉人任宜興教諭有經世才至老

常昭合志稿

卷二十七

人物六 耆舊

五

不得展牢騷骯髒一寄於酒美錦子詒孫號雲圃幼孤母氏

黃撫之教養備至中嘉慶戊午舉人

言志參虞山人
文續鈔小傳

學錦從

弟惠連字俊夫號麓樵乾隆己酉舉京兆試年五十餘矣研

究經傳多所闡發嘗辨子叔疑爲叔詣鄉黨升堂爲路寢其

所爲古文亦有法度

虞山人文
續鈔小傳

周榮字肆三號晴波常熟人乾隆戊戌進士除獲鹿知縣地常

孔道值甘肅逆回之役軍書旁午肆應裕如民有娶妻七月

而生子者出之及榮至已二十四年矣婦守志不衰榮廉得

其子足指有異狀驗與父同民遂感悟迎其妻歸調任武清

地多水患田沒而糧存榮力請得免丁內艱歸服闋補山江

縣卒於途著有藝蘭詩鈔子礪言礪字孟高績學勵行力

矯矯執習累試不得志客游京師隴豫歷二十餘載所得館

穀輒以濟人年五十八卒於家翁文端撰傳礪字又溪以主簿分

發甘肅補丹噶爾缺旋參長文襄軍平陝西南山匪歷任西

寧中衛高臺皋蘭縣洮州同知甘州平涼知府高臺土俗不

治女紅夫出傭食無以爲生輒改適乃購木棉製紡具厥配

梁親爲指授并設局募四川機匠江南善織者教之織學成

各給紡具棉斤五家一機爲資本民號其布曰周公布復建

鄉學教其子弟調皋蘭亦如之購棉子勸之布種民樂其利

凡岡阜礪确向種水菸之地悉易種焉那恭勸見其勸諭諸

常昭合志稿

卷二十七

人物六 耆舊

三

稿曰此經世之文也令梓行之洮州夏多雹災謀之州將演

礪山巔洩其陰霾之氣歲乃屢豐平涼爲四達衢回疆軍興

往來者如織旣至設臨路店車駝夫馬食用所需罔弗備兵

到卽食食卽行不使片刻留恒晝夜露坐道周推誠開諭民

賴以安楊忠武公以循良薦列卓異引年歸旋卒高臺皋蘭

州皆爲建祠立遺愛碑子王福堡家王福字鶴儕附貢生考

職一等授浙江主簿轉餉至喀什噶爾大營遂入長文襄幕

府敘功擢知縣加同知銜歷任浙江西安慈谿山東博興榮

成諸城長清知縣升桃源同知卒於任王福居官勤慎聽訟

明決究心地方利病長清爲山路經行要道夏霖秋雨橋梁

冲壤驛路遂阻王福以修城餘貲盡治之不擾民而行旅稱

便沒後請祀名宦

高密單爲總表墓

堡字步虞昭文國子生例授湖

南府經歷攝安仁知縣旋赴甘肅軍營保擢知縣以疾卒於

官堡清操自勵赴鄉勘驗恆屏儉從嚴禁訟棍偵緝盜匪銳

意求治未竟厥施而沒沒後幾不能治喪士民醵金以歛

家述

堡子鎮字蘭生副貢生從塾屋路德遊工詩文會琦善經畧

淮南遂投筆往參軍事敘功擢知縣疊晉知府戴花翎翁文

勤奏調隨營鎮時以積勞成疾咸豐庚申賊圍壽春力疾籌

防歿於軍次奉特旨照道員例從優

賜卹

家述

席巽字仲權常熟人工制舉業其師陳祖范柏謙亟稱之例授

常昭合志稿

卷二十七

人物六 耆舊

三

廣順知州地瘠民貧民夷雜處推誠撫輯罔弗悅服委鄰邑

修文清理苗民爭田積訟三十年未決躬履剖斷遂俱釋然

攝貴筑首邑調黔西同官某卒積逋八千餘金嫠孤儼然巽

爲措辦得回籍升古州同知署安順知府釋疑獄摘賊吏循

聲懋著以勞瘁卒官年四十有三子汾舉人陽信知縣

言志

吳蔚光字愬甫號竹橋其先休寧人祖宏祖錢塘商籍諸生始

遷居昭文父敬字文止亦以商籍游庠以勤學行善爲務邑

中如濬河賑饑諸事皆慷慨樂施蔚光鄉舉後改歸昭文籍

登乾隆庚子進士選庶吉士散館改禮部主事旋引疾歸終

日居一樓留心著述二十年如一日夙治古文兼長駢體而

於詩詞尤推作手生平愛才好士後進以詩文來謁者獲佳句妙語逢人誦不絕口愛書籍及法書名畫藏書以萬卷計嘗得王元章梅花長卷因以梅花一卷名樓晚慕城西湖田之勝欲治宅數楹爲終老計自號湖田外史所著有詩文集

李保泰志墓

子峻基字邁堂例授同知慷慨好義邑有水旱災解

囊助賑無吝色小築園亭顏曰壺隱以詩文自娛著有虞琴草堂詩文集象巖字宓堂例授訓導歷署上海嘉定無錫溧陽金山學好汲引後進憲澂字筱軒諸生績學能文士林尤重其隸學其考證金石淵源臨摹秦碑漢碣與許廷誥並稱尤精鑒古著有金石續編炳燭軒經測一得齋所知錄

采訪稿

常昭合志稿

卷二十七

人物六 耆舊

三

峻基子慶鐘字英來常熟增生舉孝廉方正 朝考一等歷署寧陵內鄉陳留汲縣知縣廉介自矢慎於用刑卒於官慶釐字右周性淡靜寡欲有戚李某官粵東與某觀察互訐其家人恐因是破產強以重金寄慶釐家一夕被竊自所寄外他物一空或勸曰爾因寄金事聞於外遂被竊所寄金可勿還也慶釐笑而不答即取原封還其家人高其義象巖子慶增字修來道光丙午舉人鎮江府教授甚著文譽有芬蘭書屋詩集憲澂子慶集字笙譜克紹隸學精於摹仿金石善屬文名噪吳下以明經終著有淡盧齋詩文集書法歸宗音韻博議

采訪稿

慶釐子鴻綸字儒卿諸生居家孝友性相而介曾

入李文忠幕敘功爲訓導不赴銓有無競居士詩二卷兼工書法光緒壬寅重游泮水旋卒

家述

吳熊光字望崑號槐江蔚光弟入昭文籍乾隆戊子舉京兆試己丑壬辰兩取中正榜授內閣中書直軍機處累遷至通政司參議仍留直初任章京卽爲阿文成公所器故相和坤曠之適值午夜有旨宣召軍機大臣不得命召夜值章京熊光人對稱旨少頃和坤至上日軍機事繁吳熊光練事可在軍機大臣上行走坤以五品官不符體制上命加三品卿銜又曰大臣例乘肩輿恐力不辦上命賞銀千兩又曰戴衢亨出身狀頭官學士用吳不如用戴上曰此豈

常昭合志稿

卷二十七

人物六 耆舊

三

殿試邪紳語塞乃承旨尋出爲直隸布政使嘉慶乙未和珅敗授河南巡撫賞花翎辛酉擢湖廣總督晉太子少保甲子調直隸乙丑聖駕自關東回接駕夷齊廟賞穿黃馬褂與戴文端公同召見上偶言道路風景熊光越次對曰皇上此行將以面稽祖宗創業艱難之迹豈宜問道路風景邪有頃上復言蘇州風景無匹熊光曰蘇州城外惟虎邱稱名勝實一墳堆之大者城中河道逼窄糞船壅集何足言風景上曰皇考何爲六度至彼邪熊光叩頭曰臣前侍皇上謁太上皇蒙諭曰朕臨御六十年惟六次南巡實爲作無益害有益將來皇帝如南巡而汝不阻

汝爲朕特簡之大臣無以對朕言猶在耳 皇上敬佩勿諉
文端出以語人曰論語言勿欺而犯史記言引大體慷慨吳
公其近之矣再調兩廣以夷舶寄內洋奉嚴議奪職逮戊明
年 召還辛未授兵部主事旋引疾歸道光戊子重宴鹿鳴
賞加四品卿銜又六年卒初豫有協防兵逃回本營或謂
是當死熊光廉得其缺餉狀曰協防非臨陣回本營非避匿
杖二十餘釋不問既入楚有鄉勇糾搶民寨被寨民縛送卽
日受詞駢誅之其張弛得宜多類此所著有伊江別錄春明
補錄葑溪筆錄

先正
事畧

俞廷柏字新甫號懋園常熟人本姓金其五世祖以外家姓游

常昭合志稿

卷二十七

人物六 耆舊

壽

庠始姓俞氏廷柏登乾隆庚子進士授安徽霍山知縣尋授
例援吏部驗封司員外郎轉稽勳司掌印升刑部陝西司郎
申年七十致仕歸又四年卒霍山毗連楚豫時值教匪未靖
訛言日聞廷柏曰是當有以鎮之遣役迎其家民賴以無恐
奉委解楚省軍糧比出江暴風陡作駭浪躍舟頂舟人恐廷
柏談笑自若在部曹時嘗讞一命案獄具拂堂官意廷柏曰
案已定不可改如有不實願獨受處分卒如初讞爲人公正
不避嫌怨少時繪特立圖以寄志及居官行政人無敢干以
私 翁文端
撰傳 道光初創建義莊 恩旌孝義子照烈焯照字鏡
寰號朗亭諸生候選中書好施與每農桑要月振廩平糶升

斗羸羨閭里咸稱其德李均載烈字子駿號霞城昭文諸生

例授兵部武選司主事嘉慶癸酉林逆竊發都城戒嚴夙夜

趨公不遑寢饋明年春吉林黑龍江官兵凱旋私攜子女出

關者累累烈測然曰非律所緣坐而致令俘擄失所可乎亟

白堂上奏請飭將軍等察實送歸並嚴定禁約著為列入

貲為陝西知府甫抵省因疾歸里優游林下以終卒年八十

翁同龢焯字俊心號見嵐昭文舉人道光丙戌大挑得教職

是年成進士其明年選徽州教授有曹掾某倚勢陵藉子衿

郡將為所罔申斥王蘭等數輩眾論譁憤焯白是非於大府

悉予開復尋以病免郡人士建生祠祀之起權華亭教諭復

常昭合志稿 卷二十七 人物六 耆舊 五

銓徽學旋遷湖北宜都知縣引見改授直隸清豐知縣明慎

公平案無留牘踰年歸游浙之金華變其上風清嘉將終隱

焉旋卒邵淵耀照長子大淵字伯淵號蔗泉幼讀禹貢即辨

方界及長尤究心於河防水利請書以例授浙江鎮海丞未

赴改授東河州同值黃河大汎河帥朱公派往蘭儀協防巡

視隄埽大淵晝夜不怠卒奏安瀾又辦中牟大工遽以疾卒

於工次年僅三十程庭鷺焯子德基字裕鴻有孝行大猷別

見忠節志

李書吉字小雲常熟人父銓字秉忠究心詩學工書法善篆刻

兼岐黃術佐蒲江令張應曾幕昭雪冤獄臨沒囑子書吉日

我生平食貧居賤專以濟人爲懷猶憶有陰隲三大事終在汝之善承吾志也汝識之子問何事曰安有行善事而欲人知者遂跌坐逝著有蜀遊草墨癡小稿朱宗洛傳畧書吉乾隆庚子舉京兆試以三通館膳錄議敘授雲南宜良知縣署雲南縣兩署永北同知改發廣東署豐順補龍川調澄海升欽州知州年七十二引疾歸粵俗尚械鬪事發則買凶書吉請照聚衆傷人例以主謀者擬抵餘釋不問向例盜得財入室者斬接贓者戍強者遂卸罪於弱書吉按實論罪盜始畏法維西獠獠夷煽逆從覺羅琅公往剿雪山上下六十里院谷皆白人馬淖入立斃書吉手竹竿率先探險時大軍駐瀾滄江

常昭合志稿

卷二十七

人物六 耆舊

美

命書吉過江偵賊瀾滄江者黑水發源飛湍迅流渡以獨木抵岸峭壁竦立賊伏毒弩以伺書吉購綫深入悉得賊情依方進剿事以平所著有寒翠軒詩澄海縣志天真閣文集子孝曾字元紹諸生沈靜好學喜爲善虞山人文小傳曾孫葆貞字養初恩貢生州判亦樂善好施

翁咸封字子晉號潛虛孝子謙子幼有至性讀書夙明大義乾隆癸卯舉於鄉選海州學正州濱海地瘠屢有水患在任十二年奉檄賑災者五次親覈戶口剔除積弊嘉慶十一年開洩王營減水壩海州平地水深數丈咸封以小舟渡民保大伊山全活數萬人又與州牧唐仲冕謀建石室書院誨弟子

以實學時修海州志人謂編輯精詳甄錄嚴慎蓋經咸封校
正居多及卒州民請祀名宦故事教官無祀名宦者部議三
駁州民三請江蘇巡撫林則徐上其事 特旨允行有潛虛

文集詩集

翁氏
家乘

曾濟字求定號勉耘常熟人肇甲五世孫父立誠字信民諸生
爲人醇厚言笑不苟年七十餘無疾而終

舊志

濟自少力求程

朱之學日填功過格自省點勘五經有心得輒紉書於卷端
登乾隆甲辰進士需次里居從學者甚眾主講鹽城表海書
院其地士子罕知經術濟口講指畫示以根柢之學謁選授
福建寧化知縣以親老改近選河南羅山知縣時楚匪不靖

常昭合志稿

卷二十七

人物六

耆舊

五

或諷稍緩莅任濟執不可下車後籌餉練勇設卡於九里關
等處賊入境劫大勝關濟登陣防守賊不敢犯郡守臨境濟
以所獲賊目並賊黨三十二人縛赴行館賊黨納賂於郡守
從者皆脫去約是夜起事謀泄不果明日復擾城東闔邑憤
怒僉謂太守挈賊殃民將爲難濟馳諭乃止鄉勇卒擒諸賊
黨民始安嗣又擒賊五十餘人大吏飭就地正法不叙其勞
濟泊然也旋辦息縣鹽梟張雲路陳文元劫獄倡變事事平
進秩奉委監睢州賑力杜侵漁州牧患之啖以白金堅不受
攝考城縣縣境濱河向例撥河工汛夫民若胥吏之擾濟剔
除之丁毋憂服闋坐補寧化原缺亦著政績分校多知名士

卒年六十五著有勉耘詩文集

家述

子懋謙字玉泉敬謙字受

徽皆諸生能文季子豫謙字蘊發號雲舫以昭文籍中嘉慶辛酉舉人父沒於任囊橐蕭然時有新獲會匪未申詳者願以千金求脫或諷納之爲歸櫬計豫謙弗許以大挑知縣歷署任縣元城南和昌黎獻縣盧龍灤州在昌黎有因釁故殺一案數年不決一鞠得實在獻縣辦理水災全活甚衆在盧龍霪雨青龍河溢浸及城版督率堵禦設舟楫具糗糧以賑災民松文清過盧龍手書中正二字以贈補曲陽旋調清豐修葺文廟疏濬河道值亢旱因辦賑論事與上官不合撤任闔邑欲籲留婉言諭止久之大吏亦廉知其治行委攝開州

常昭合志稿

卷二十七

人物六 耆舊

五

遽以疾卒年五十有三子鎔文能詩錕文熟於史學彬文熙文別見銓文字尚衡諸生少有至性見孝弟事手錄成帙英挺不羣學使周侍郎系英深賞之父卒於官聞訃哀號體素豐不匝月即骨立竟以毀卒牀頭遺有顓天疏稿以祖母張及母錢方自直隸返願減己年俾兩代安抵里門書疏之日乃卒前三日也道光二十七年旌

家傳嗣子日章字闇谷敏穎

能文早卒著有紫薇仙館稿

采訪稿

曾涉字自牧號牧庭濟弟以昭文籍舉於鄉嘉慶辛酉成進士選江甯教授截取知縣選河南鎮平縣舊例縣胥轄四鄉遇事持之涉罷其例嵯商楊姓素橫誣某劫奪前令鞠如揚指

涉察釋之豪右帖然爲政百四十日每鞠一詞務得其情疑則歷訪數十里不憚以勞卒於官民爲罷市父老攜麥飯來奠者道相望貧不能歸喪邑生劉純德曾繪藻出車脫驂爲賻郊外素冠送者數千人純德繪藻復裹糧走送百九十里揮涕返道出新野觀者歎曰此所謂好官不要錢歸去沒盤纏也著有易說四書精義及詩文集孫原湘志墓子福謙字石溪副貢生能文祐謙字韻卿諸生工詩有卧雲樓詩稿家述陶鎔字心裁昭文人曾祖時華康熙初以耆德聞祖承恩字柳門性孤介少入北雍工詩宗劍南石湖有且住樓稿父爾昌字載安少孤力學借刑曹掾養親行善時勸同曹勿取不義

常昭合志稿

卷二十七

人物六 耆舊

完

財路拾查某所遺金訪還之僕張竊物逃密飭其改行生平陰德多類此鎔舉乾隆癸卯鄉試任安徽定遠教諭性豪邁宏獎士類尤留心采訪節烈定遠學宮及大成殿尊經閣朽敝鎔偕訓導吳文煥邑紳凌奎襄等集貲重修所著有清酣

軒詩鈔

定遠志

蔣瞻帖字蓼庭常熟人明忠臣欽十世孫幼失怙恃大父母撫育之年十二大母病思食藕購諸市不得沒蓮池求之爲毒蛇所螫體盡腫幾死弱冠大父客汴邁疾馳往省視中途糧絕天大寒徒步渡河足觸碎冰血涔涔下路人釀錢贈之始得達由四庫館謄錄援例得布政司理問借補山東滕縣

丞署知縣縣素有白蓮教贍帖使幹役入其黨偵得巨魁杖斃之多方勸諭俗爲之革以襄辦河隄功題補汶上知縣乾隆乙巳歲亢旱各縣請賑格不行會大吏過境乘間言之大吏感動爲請於朝發帑賑濟贍帖設厰煮粥捐俸不足益以稱貸并收養流民八千餘人凡八閱月積勞卒於官家子因培字伯生年十七以監生應京兆試爲法祭酒式善所賞始知名入貲爲縣丞權山東費縣巡檢補陽穀縣丞累署汶上金鄉嶧滕高密鉅野知縣真授齊安丁母憂服闋補齊河縣所至胥吏斂手豪猾屏跡巡漕御史某家人婪索供帳勢甚張同僚奉惟謹因培獨挺身折之後御史以賄敗東撫條

常昭合志稿

卷二十七

人物六 耆舊

三

其事上聞奉 殊論此人可嘉之至由是強項名籍甚在齊河任事未幾情釐積案一千餘件旋忤某中丞被劾遣戍未踰年釋回間游豫楚閩粵同時百文敏方勤襄劉學使鳳誥孫觀察星衍輩時以案牘咨訪或與商榷文字從容裁答不少淹畧咸服其當晚歲掇拾剩稿爲烏目山人詩集

黃安壽志墓

子

庸字奇男舉京兆試大挑知縣例授知州署桂陽州

采訪

因

培從子成字載珊少孤節母姚訓之嚴每出人必稟命夕必俟節母寢然後退及既仕卒不改例授浙江奉化丞改捐湖南知縣嘗一署宜章而官城步最久城步民苗雜處素多訟成既至手批口判案無留牘暇輒延父老入署賜酒食令其

勸諭子弟數年後邑幾無事會逆匪李沅發洪秀全先後蠢動擾及鄰境練勇防堵供帳絡繹費不貲稱貸濟之幕客某見其窘甚乘間進曰公處境若此取不傷廉何執一乃爾成默然變色越日託故辭某去性坦率鮮文飾卒忤上官以原品休致流寓湖南而沒

家述

張夔字子和常熟人父應曾字若谷由增貢生例授蒲江知縣性謹敏甫到任捕竊匪七十餘人竊案頓減蒲多山少水應曾相度地勢開濬龍爪等堰灌田千餘頃又闢地八十二頃民食以充設立義學捐田以資膏火士始有登甲榜者嘗有虎患爲文禱城隍神虎一夕渡河去俸滿解任蒲民追送至

常昭合志稿

卷二十七

人物六 耆舊

三

百里外疾終於家著荻州詩稿若干卷

趙貴斯傳畧

變乾隆五十

八年進士由庶吉士改刑部主事歷員外郎中典試江西三讞案喀爾沁天津所至稱廉平外擢甯紹台道時海盜蔡牽屢窺甯波提督李長庚禦之久不克變上阮中丞元書以海氛未靖由於內匪之接濟惟重保甲以嚴稽察禁買米以杜影射使奸計不售盜源自絕阮采其言旋卒於官年五十六變內行純備嫡母錢性嚴奉養惟謹自奉儉約惟積書至數萬卷少工駢體文著有味經書屋集

孫原淵志墓

子定球字伯溫

諸生由國史館謄錄選興國場鹽課大使會缺裁授長蘆石牌場大使蘆商狡譎力爲振飭罷丁才健互訐剖決允

司馬筭者十六年囊無餘貲平生文史自娛多蓄古金石及唐宋以來別集善本每以顧裕愍善過格自省卒年七十三

邵淵耀

志墓

王愷字粹伯號少溪昭文人嘉言七世孫祖馨宗字岳峙諸生

爲文簡古絕不與戶外事

虞山人文續鈔小傳

愷乾隆五十八年進士

選廣東遂溪令改浙江宣平丁母艱服闋改發廣東懋署澄邁澄海海康西甯等縣躬行節儉以文教飭吏治嘗勘地宣平山界有老人夜持金獻叱去之明日決訟畢不問獻金者何人也澄海兵糧船遇風傾米於岸所泊處富家也弁以失米報愷將往勘少頃弁又至曰公無須此第差查千金立致

常昭合志稿

卷二十七

人物六 耆舊

三

愷佯應曰諾急白協鎮事得寢有蕭氏婢失足墮水閹奴某居爲奇貨愷怒立遣奴去性澹泊年三十甫製一羊裘歸田後所積廉俸悉漑貧乏曰金盡仍還我秀才面目耳嘉慶二

十五年卒於家

家述

黃泰字韻山昭文人乾隆五十九年舉京兆試以方畧館臚錄得知縣揀發四川懋署銅梁永甯隆昌安岳等縣補闈中所至有政聲在銅梁運夔州達州軍米向派戶出貲泰獨任其費不擾民後領司庫采辦買穀價幾及萬金紳耆呈請留署以償前費泰力卻焉鹽課收解向歸鹽房地丁則銀匠代納革其弊民德之在永甯運京米三千石羽書督促尅期遄發

俱出己貲遇旱災捐廉以賑全活甚衆在隆昌時承旱災後
訛言饑民將爲變修城垣練丁壯置器械部署周密人情帖
然在閩中捐俸修文廟城隍廟及考棚在安岳有外禁屋小
人雜中穢氣輒斃一力修拓作修外禁文勒石記之時有盜
殺疑案鄰縣獲李缺齏等七人嚴刑誣服秦稟詳大府鞫得
實寃卒白後因與郡守議不合引疾歸邑中築城濬河諸役
皆捐貲爲倡修復先世忠臣鉞墓刊刻先集友愛兩弟急難
讓夷始終無間喜收藏古書畫山水宗大癡寫竹亦得夏大
常意卒年八十餘子許桂福建縣丞署惠安知縣以廉幹稱
貽桂監生亦工畫

家述

常昭合志稿

卷二十七

人物六

耆舊

三

邵廣融字匏風號鳳巢昭文人幼爲本生祖齊然所鍾愛從父
聖珪早歿伯祖齊熊擇爲嗣舉乾隆六十年鄉試性孝友本
生父墳息沒居喪毀瘠歸侍嗣祖制淚承歡待兄姊俱篤摯
夙勤著述於典章文獻多所諳習尤好儒先格言於明呂新
吾呻吟語究心特深恒置座右歷主游文清溪正修書院講
席教授里門從其遊者多知名卒年五十六

家述

子淵耀字充

有號環林幼有神童譽同里吳太史蔚光呼爲小友一時名
士皆器重之年十五補諸生嘉慶十八年舉於鄉官國子監
學錄性冲淡經史百家嘗分年自課多習朝野掌故教人真
積力行謂學者腳踏實地方能向上一切速化之術不足貴

也貌豐偉多髯晚年病偏廢製一笥與時過戚好家情話盡
粹靜穆人皆知為有道君子詩古文濡染家學篇帙甚富

恪表子起元字綺原諸生孫震亨字曼如舉人

周慎恭字中伯號雪村昭文人乾隆乙卯舉於鄉任霍山知縣

精明強幹吏不敢奸邑苦派麻為累廉得實飭官辦示禁勒

石民賴以安旋調桐城擢福建蚶江通判

霍山縣志

楊景仁字靜巖孝子岱子舉嘉慶戊午京兆試官內閣中書協

辦侍讀擢刑部主事升員外郎以母老告養歸主講安徽廬

陽仙源兩書院卒年六十一景仁敦行篤學在刑部屢辦秋

審前後檢校求其可以生者簽商駁正尤體恤狂狴稽飲食

常昭合志稿

卷二十七

人物六 耆舊

三

察五木無不周至採古今治獄事成式敬編五卷里居值歲

潦與同志悉意拯濟因採古今救荒善政成籌濟編三十二

卷皆按切時務可見施行光緒五年孫恩海曾孫崇伊繕寫

進呈時晉豫奇荒得旨嘉獎合刊頒各省為救荒成式

李兆

弟景誼字質堂工部虞衡司主事好學能文以長厚

墓參采

席煜字子遠常熟人嘉慶辛酉傳臚 朝考第一入翰林丁卯

分校北闈戊辰典試山西均稱得士入直 南書房以纂和

紳傳不稱 旨落職歸喜畫山水工詩善南北曲

家述

孫原湘字子瀟晚號心青鎬子昭文人少能詩嘗隨父任出山

海關歷醫巫閻諸勝筆益豪蕩有奇氣乙卯乙丑鄉會試均以第二人中式入翰林未散館歸遂不出歷主玉山毓文紫琅婁東游文書院講席教士多所成就邑有水旱振卹之事經畫盡善全活甚衆以詩文雄長詞壇者垂三十年名與王曇舒位鼎足世稱三君焉所著天真閣詩文集凡五十四卷朝鮮使臣覓購之善隸書間畫墨梅卒年七十說者謂吾虞詩人_以才氣舒寫性情獨開生面者原湘一人而已配席佩蘭亦工詩有長真閣集四卷家述參李兆洛志墓子文杓字仲直廩貢生有禮姜館詩詞集家述

程定謨字心宇昭文人父東陽字登扶由上元來徙能詩善晚

常昭合志稿

卷二十七

人物六 耆舊

姜

香閣集定謨舉嘉慶庚申京兆試大挑二等授安徽廬江訓導既至修文廟置祭器與諸生講習禮儀漢毛孝子祠田爲豪右所占復之又修忠孝名宦諸祠邑中貞烈節孝無力請旌者割俸以助截取得知縣改授翰林院典簿旋卒著有射聲小譜小書舟樂府詒陶閣詩文集妻吳名字嫻子瑞楷字貢植常熟諸生女端秀端穎皆能詩所著詳藝文志端穎適武進高氏以苦節著殉粵寇之難旌節烈家述

邵元章字粟園常熟人寄籍宛平少游幕河南例授南陽府經歷升淮甯祥符知縣多惠政以憂歸再出改山東知州累任煩劇擢東昌同和加知府銜署青州濟南泰安知府沒於東

昌任淮甯歲祲而滑濬教匪適起元章捐廉倡率集貲放賑
並募勇千餘備變淮境帖然睢河工興淮甯派辦糶麻八十
萬斤前令按地科歛元章給貲採買不擾民治獄仁恕尤勤
聽斷有邵一堂之稱泰安久不雪元章至即降祥雲人以甘
雨隨車比之宦橐蕭然而好周急嘗語其子亨豫曰人貴自
立吾不以封殖累汝也

家述

王家相字宗旦號藝齋常熟人以拔貢生選蕭縣教諭檄查水
災時奉檄者多擇居高仰地集里保書票冊家相獨冒水親
履其戶驗口數真偽奸無所容後自京師歸過徐人皆識之
曰此前教官活我者也嘉慶己巳成進士官編修遷御史道

常昭合志稿

卷二十七

人物六 耆舊

姜

光初元江南大吏議奏征米石當正供斗八官輸其贏贍運
軍家相瞿然曰州縣之取民雖橫猶有所忌者以非朝廷法
令也若加米著爲令則正供矣厲滋甚上疏數千言論之前
議遂沮旋擢給事中授南汝光道署河南按察使地故多紅
鬍捻匪肆暴屢里家相立命擒治曰亂民也縱之變且叵測
讞得實投遠方者百二十人及謝病去官當事者務姑息其
黨復熾卒釀大患人乃服其先見少以文學名有茗香堂集
十六卷服官後奏議及與人書一以國計民事爲念其論加

米疏尤稱頌於時

武進李兆洛志
墓梅曾亮撰傳

楊希銓字硯芬景仁仲子登嘉慶十六年進士入翰林分校鄉

會試典河南四川試累遷陝西廣東京畿道監察御史權禮
科刑科給事中出爲四川潼川知府丁父憂服闋補廣東惠
州知府署肇慶府惠潮嘉道以母憂歸遂不復出初莅惠郡
時連平州土匪突入境希銓設法散其脅從會協鎮擒首逆
謝青頭餘黨悉盡肇慶羚羊峽水勢如建瓴希銓倡建橋二
十四通繹挽之路二萬五千餘丈行旅稱便惠州有黃塘鐵
場兩鄉爭博羅石陂水利奸徒揭僞示煽惑鄉愚釀成械鬪
希銓檢舊案印文勘破其僞不煩兵而爭息其權惠潮嘉道
也汀河水發大埔豐順海陽被衝成災希銓履勘倡捐民居
不日修復龍川民李國棟誣控人命久莫決親讞三晝夜盡

常昭合志稿

卷二十七

人物六 耆舊

七

得其情所至盡職不爲赫赫名諫垣條議皆自焚其草曰吾
非沽譽也歸田後以文字自娛著有菘畦詩文稿六卷

季芝昌志

墓兄希錫字硯芸試京兆挑取謄錄弟希鈺字硯培幼隨宦

京師從金華宋玉淦游講倫常日用之要後得婦翁丁太史
履泰教益又私淑外家陶元淳父子之緒言學益殖試屢所
乃絕意仕進養母訓子手不釋卷咸豐庚申避寇渡江獨攜
祖貽一硯出銘曰不惜百金惜此硯倉卒易之篋不衍攜之
渡江娛老健念祖德兮貽子孫長物皆失兮一硯幸存他日
宴安兮無忘此日邇迤楷書誠子孫帖述少年所聞師友之
訓大旨期於躬行實踐持盈知足年七十五卒嘗有銀簾花

館詩及楊氏族譜錄

馮志沂志墓
邢鶴藻撰傳

希鏞字硯畚舉道光辛巳

京兆試選安嶽績溪教諭文辭瞻麗勤於訓課士林稱之

家述

龔棨字杏村常熟人嘉慶丁卯舉於鄉大挑投溧水訓導爲文

章原本經訓勤於造士丁內艱歸居鄉力行善事遇水旱凶

荒出貲爲倡性和易不立崖岸而任事不辭勞怨鄉里稱爲

長者素工詩時出新意有杏花村詩稿子縉燾字社卿學問

博洽著有明堂考吳塔小志縉熙諸生

家述

鄧琳初名復讚字幼英號翊廷常熟人嘉慶癸酉舉優行第一

是科卽舉於鄉甲戌會試挑取教習選投金壇教諭悉心課

士屏絕饋送學校肅然金沙濱長蕩湖多水患琳奉檄查災

常昭合志稿

卷二十七

人物六 耆舊

美

辦賑民咸信服壬寅海氛告警捐俸爲司僚倡葺城濠募義

勇與文武官弁相機設備危城獲安以母老乞歸幃族譜建

祠宇置祠田以久次授國子監學錄年五十九卒著有四書

備解虞鄉志畧修竹吾廬詩文章

家述

龐次莖字厚甫號子方常熟人清標孫父敬熙字藕香廩生舉

止凝重處幽室常正襟危坐見器物歆側雖匆促必安排令

正博涉經史務歸之躬行實踐嘗謂孝經弟子職制行之根

本爾雅讀書之匙鑰也所著有羣經獻疑十卷 詩古文五

卷 家述 大莖年十三盡讀十三經爲古文初則謹守繩墨繼乃

闕放後益滄潔高古嘉慶己卯始舉於鄉以特試官國子學

錄充國子監志纂修官以父憂歸遂不復出性嗜讀書尤長於治經舊有易例輯畧周禮儀禮注疏節要四書異同說職方地理考恒星考晚年乃專究心於文字之學先爲形聲輯畧二卷以爲不明等韻不可以讀書不問古韻不可以讀古書而欲審古音必先究唐韻乃可定其分合爰取切韻指掌圖四聲等子切韻指南參互考訂合門法爲八方十六攝爲六十一圖以廣韻集韻五音集韻之字按紐排纂附注切音爲等韻輯畧三卷又取大徐所引孫愐音切參以小徐之篆韻譜按韻排纂爲唐韻切畧六卷以說文諧聲及經典用韻合之唐韻按部排纂以紐相承而表出其分收別收之字爲

常昭合志稿

卷二十七

人物六 耆舊

五

古音輯畧四卷其於韻學獨有神契而論古音尤精宗休甯戴氏說發明而推演之分十八部而以入聲爲樞紐視戴書益完密貌清臞長眉脩髯與人言呐呐如不出口而持是非之介甚嚴里居二十餘年足跡不入官府食不重味冬一敝裘出必徒步少多疾晚乃益健曰吾得力於不動心主講游文書院以經學提倡後進卒年七十有二

邵松年據翁文端撰墓志文輯

龐大奎字星齋大塋弟嗣父純熙字鶴旣廩生性孝友能文章大奎嘉慶丁丑會試第一選庶吉士散館改知縣歷任湖北應山江夏縣擢荊州同知調武黃武昌同知署蘄水武昌縣安陸同知德安施南漢陽知府丁本生母憂歸未一月卒大

奎通經術有守有斷應山民楊勲訴其母自經鄰李甲門大
奎驗尸兩手有反縛迹叱勲曰若殺而母敢誣人耶勲駭伏
蓋勲實縊母以嫁禍於甲也黃安民譁言寇至襁屬奔應山
應山民亦驚夜走趣城或走信陽州僚吏震恐請設兵登岸
大奎弗應坐堂皇治事自若徐起做備烈炬啟門納嶽觀撫
輯之而戒居者勿動明日訶之果僞傳也塘角浙大江鹽艘
紛集篙工水手萬餘人名運官綱實盜販墩離屬官某索賕
急眾怒劫而閉諸舟勢張甚大府聞命發兵禽治大奎力陳
不可狀曰急之滋變乃親往曉以利害散其眾立出所劫者
縛首從戮人治如律在江夏大雨江溢平地水丈餘大奎急

出俸金募舟楫載糗糒渡民保高阜計口授食復析地界編
甲乙戶給竹席俾庇風雨躬乘小舟往還迅流中觸石幾殆
當是時湖北被水者三十餘州縣總督某念戶口多費鉅風
大奎減之爲他邑倡大奎愀然曰同此災黎孰應餓死耶執
不可布政使額騰伊驛其言爭甚力忤總督被劾去大奎亦
坐是撤任後數年武昌縣水令勘災不以實大吏乃檄大奎
往攝縣事民間大奎至聚觀曰是囊以議賑觸上官怒之龐
江夏也明年旱蝗大奎率丞尉馳烈日中四出撲捕又招漁
戶縱鴨數萬頭食螭數日立盡時大府方銳意振刷屬吏承
望風旨多深刻大奎獨持法平無罪釋者十常四五慰施令

某失察書吏贓大府欲予重比大奎曰某罪止褫職耳必曲法以立威者非所敢聞卒從大奎議大奎說經宗高密鄭氏易則兼宗京孟荀虞尤精九章算術旁及星辰禽遁以爲其原皆出於易

翁文端志墓

子鍾琳字崑圃增貢生少有幹才每鄉

里有大徭役縣尹多敦請主持倚以集事咸豐庚申同治甲子寇至議拒守尤著勤勞敘功以訓導加五品銜並戴花翎

歷署靖江青浦等縣訓導

采訪稿

翁心存字二銘號遂菴咸封次子幼奇慧七歲能屬文道光壬午成進士改庶吉士授編修歷官至大理寺少卿以母老乞養歸母沒服闋授祭酒遷內閣學士工部戶部侍郎晉工部

常昭合志稿

卷二十七

人物六 耆舊

聖

刑部尙書兼管順天府尹事以失察盜案事罷職旋起爲吏部戶部侍郎擢兵部尙書調吏部尙書翰林院掌院學士協辦大學士旋授體仁閣大學士時咸豐八年也方是時東南用兵部庫支絀言利者搜剔至纖屑心存深憂之謂國計與民生相爲表裏欲裕國計當恤民心故於言利之事一切奏罷之而尙書肅順方議查順天所屬黑地開鴉片煙禁心存誦言斥爲奸邪擯其奏不署名肅順大恨欲以危法中之朝廷鑒其無他不深罪心存遂引疾去位同治初元被召再出以大學士銜管理工部入直 弘德殿授讀每出入命內侍扶掖以行夜中或籠燭前導皆異數非故事所有而

心存疾已日篤矣心存有文望爲直省考官者再爲順天考官一任學政者三所至稱得人其論學以躬行爲本平居以天下安危爲欣戚其在朝無直諫之名而造郝密陳多所裨益前後論薦數十人皆極天下之選直上書房三十年論教請王必以禮法嘗侍文宗讀唐書及德宗世因論陸贄盧杞賢奸反覆講晰翌日因以宣公奏議進及在弘德殿授讀尤以啟沃君心爲己責每日宴授經之暇則進講帝鑑圖說退直輒紬繹次學術義帝學諸書曰此致君堯舜之本也同治元年十一月卒於位朝廷震悼命親王奠醊入祀賢良祠追贈太保謚文端賜祭葬喪歸沿途護送孫五人

常昭合志稿

卷二十七

人物六 耆舊

聖

賜進士舉人有差所著有知止齋文集詩集及奏議

李元度先

正事畧

參家述

吳贊初名亮疇改廷鈔晚改今名字偉卿常熟人道光丙戌進士由庶吉士改刑部主事員外郎總辦秋審卒於官贊以館閣才浮沈郎署無幾微見於形色孜孜讀律手錄法家言虛衷鞠囚得情弗喜二十餘年如一日性豁達見義必爲鄉人之試都下者以匱乏告罔弗滿意而去會館敦睦堂地處卑下贊從形家言集貲重建十餘年間得鼎甲四人所著有塔影樓詩文稿其應制詩賦詞館多傳誦之

崇禎辰

志墓

方鉞字子華昭文人嘉慶己卯舉人大挑知縣歷宰山西洪洞

石樓縣捐貲修治山徑行族便之富商某廣通聲氣厚饋之卒不受因趙城案里悞留省主平陽書院名流多從之游歸值己酉大水廣開粥廠兼施衣藥家貧稱貸濟之卒之日鄉人設虛位致祭弟熊字子漁諸生工古文辭尤長於詩家本裕落拓不治生好購異書不吝直竭則粥田宅以償晚歲益貧隱居梅李敝廬庚申粵寇陷城倉皇渡江猶攜詩卷以行邑城反正遄歸里門賊再至抗節不屈死年八十一賜卹予世職著有繡屏風館集清夜茗談梅林小志子世第字小漁能詩亦殉粵匪難

錢祿泰撰傳畧

姚福增字備也一字湘坡常熟人道光壬辰進士授庶吉士習

常昭合志稿

卷二十七

人物六 耆舊

聖

國書散館改吏部主事歷員外郎中記名御史補浙江道尋掌道事巡視東城分校甲辰乙巳鄉會試屢上封章皆裨軍國咸豐癸丑粵匪北擾特簡巡防中城夙夜扞擻心力交瘁引疾歸旋卒福增意度休休平居無疾言遽色而中藏耿介未嘗爲權貴屈也

邵淵耀傳畧

族弟福均字吧瞻恩貢生就職州判好博覽貧不能購書嘗從友人及書肆中假閱尤精經解字說歷就學幕卒於建德試

院著有補籬詩文稿 卷海虞文獻備畧四卷鑄鼎餘聞四

卷及瓊學錄佛雅浙行日記等書

家述

蔣士麒原名搏南字幼谷陳錫裔孫父坊字安谷性仁厚有貧

士兩人投於門坊曰貧而願學志可尙也助以薪米令士麒
誨之不數年兩人皆獲雋去士麒舉陝西鄉試歸常熟原籍
登道光癸巳進士歷知金華仙居象山嵗縣補奉化分校浙
閩層官樸謹耿介勇於任事在金華值歲饑具文請停漕吏
力爭以官吏勢且不支士麒曰吾慣食粥汝曹可來就吾粥
吏目爲癡官士麒乃傾囊助賑庚子調奉化適夷警迫集衆
守城父坊年九十餘亦乘籃輿拊循士卒危城獲安其明年
丁父艱歸貧無家僑寓武林家人鎔錫爲箔以佐旅費同年
某方伯欲周之謝弗應服闋稱貸入都揀選兵馬司正指揮
署東城指揮尋以原班選湖南嘉禾知縣未上卒於京邸弟

常昭合志稿

卷二十七

人物六 耆舊

四

士麟原名振南字小谷亦以陝西籍中式

家述

翁同書字祖庚號菽房心存長子道光庚子進士改庶吉士授
編修典廣東鄉試任貴州學政以經義實學提倡士子遷中
允任滿還京 命赴江北軍營差委時粵逆據江甯故大學
士琦善帥師駐揚州同書既至充翼長擢侍講學士遷少詹
事咸豐六年三月揚州大營潰同書以便宜力扼召伯鎮賊
不得北 命幫辦江北軍務擢詹事克揚州復浦口江浦兩
城明年進攻瓜州克之 賞黃馬褂以侍郎候補明年追賊
九洲洲拔安徽來安縣城授安徽巡撫幫辦勝保軍務時皖
地盡沒於賊加以饑饉千里無人而捻匪襲得等蟠結於潁

毫間同書孤軍支柱四面受敵猶屢克沿江州縣力卻悍賊未幾袁甲三代勝保領軍 命同書佐之壽州大猾苗沛霖以諸生授川北道陽助官實即賊同書密疏發其奸未奉朝旨而沛霖與州民尋仇圍州城同書時奉 命將入都矣即登陴固守九閱月食盡援不至奸民開城納沛霖而同書竟坐是落職論死時同治元年二月也三年冬發新疆効力旋 命赴甘肅軍營駐兵花馬池連獲逆首 賜四品頂戴四年十月卒於軍有 旨開復原官照軍營立功後病故例賜卹贈右都御史諡文勤同書喜博覽讀書過目成誦尤長於史學雖在軍中丹黃不去手其將兵以仁慈惻怛爲事前

常昭合志稿

卷二十七

人物六 耆舊

巽

後十年未嘗妄戮一人將校未食不先食士卒無衣不獨衣故雖當糧盡援絕無一人譁且亂者既卒揚州士民請建專祠 詔從之所著有輿軒雜記及詩文集長子曾文字紱卿優廩生喜藏書爲文敏捷有家法早卒次子曾源字仲淵以

欽賜進士 廷對第一官修撰

翁氏家乘

翁同爵字玉甫心存次子庠生訓導以父蔭授兵部主事升員外郎咸豐十年京輦有洋兵辦事大臣委同爵總司外城巡緝居民安堵由是顯名出爲鹽法長寶道迭攝藩臬兩司時楚軍奏凱籌餉局事一身任之擢四川按察使晉陝西布政使裁平餘減攤派設交代報銷二局釐剔夙弊甘肅回匪突

渡涇渭以窺西安布置防守匪眾敗竄 賞花翎升巡撫丁
本生母憂里居三年授湖北巡撫署總督時襄漢宿重兵其
長夫多浮冒奏裁減之以民間米穀多苦釐卡勒索再疏請
免於是湘鄂無米釐又從襄河轉餉給甘軍經畫周密旋卒
於任 優旨賜卹賞長孫舉人同爵才識宏遠遇事沈思靜
而能斷秉性孝友獨力脩宗祠置義莊著有 皇朝兵制考
子曾純字吉卿浙江知府曾榮字萊卿 恩賜舉人工部郎
中粵寇擾邑時有戰守功籌辦善後亦盡心力曾翰字海珊
戊午舉人內閣侍讀 家述

王憲成字仲文號蓉洲家相仲子嗣庭筠子元晉後道光乙巳

常昭合志稿 卷二十七 人物六 耆舊 吳

進士分刑曹屢辦秋審務矜恕擢河南京畿道御史多所建
白轉戶科給事中咸豐庚申江督何桂清逮至京議罪久未
決憲成連抗章論其罪因是伏法未幾又與殷侍郎兆鏞連
章奏江南民氣未蘇不宜多設釐卡人服其敢言外擢福建
汀漳龍道未抵任中途疾卒 家述 兄憲正字魯青例授河南府
通判相度洛陽水利修濬各渠耗羨一無所取而譴其犯合
者民大悅服道光二十四年奉檄查賑積勞卒於官卒之日
渠長等率民立主於土穀祠以祀之 無錫薛弟憲中字叔和
湘撰傳
號沅青憲成善隸書憲中亦善作擘窠大字咸豐初舉孝廉
方正以疾未與試 家述

張璐字寶卿東塘墅人父文杰字炳也諸生因讀袁了凡立命篇人能造命一語遂深自刻厲孳孳爲善道光癸未大水偕同志集資煮粥濟飢水退收埋暴棺之無主者諸善舉無不竭力爲之璐少口吃力學自奮道光乙巳登進士授刑部主事總辦秋審執法不阿有坊役以索贓斃命璐廉得其情將寘重典上官護之事寢慨然歎曰吾在西曹使法不伸於胥役生平憾事也璐論文宗望溪方氏制義卓然成家旣通籍刻苦如諸生公退手不釋卷己酉水災常熟東鄉民業漚管者貨滯不售璐適家居仿周官泉府意設法買之民賴以生者數百家常舉不侮鰥寡不畏強禦兩言爲處世之要而於

常昭合志稿

卷二十七

人物六 耆舊

張

時多不合卒以偃蹇終於京邸著有古文二卷第珽字正卿昭文拔貢生沈酣於學晨夕刻厲己亥鄉試扶病歸遂卒著有文選摘要家述瑛字仁卿諸生候選訓導同治元年曾隨錢中丞鼎銘持龐文恪書由上海泝江越賊境赴安慶乞師於曾文正亂定後從事江蘇書局預修蘇州府志歷署陽湖等學篆平生好援易爲談助喜屬文有知退齋集及韓文補注龐鍾璐字蘊山號寶生大莖子道光丁未進士殿試卷進呈

列第八 御覽拔置一甲第三授編修咸豐壬子大考一等升庶子擢侍講學士署國子監祭酒轉侍讀學士升光祿寺卿遷內閣學士丁父憂旋里庚申金陵大營潰粵匪東竄

卽偕同邑官紳設局城隍廟籌議防守旬日間常鎮蘇太相
繼淪陷邑境三面受敵逃軍及難民過境者日以千計鍾璠
率諸紳士嚴密稽查設法遣去賊先由陸路擾西鄉分遣諸
紳士赴各鄉鎮聯絡團練勇丁迭次擊卻之得 旨令就近
專摺馳奏軍務旋 命爲江南督辦團練大臣卽奏言民團
祇能自衛身家不能遠調非有大兵難望恢復蘇常請飭督
臣迅速統師東上五月後賊警益迫團勇堵禦數十次雖斃
賊無算而自徐浩許玉珍陣亡精銳勇丁亦傷亡殆盡時兩
縣令同以觸暑抱病鍾璠亦患病甚劇皆力疾治事七月杪
賊大股撲塘橋鍾璠率勇堵截其族叔祖安戰死方危急而

賊忽退度城守必有變亟輕舟趨城而賊由黃莊撲城城已
陷遂出江口至崇明自請嚴議 上以兩縣官紳固守百有
餘日忠義可嘉因久無援兵以致被陷加恩寬免處分仍著
激厲民團力圖克復鍾璠乃暫駐上海募勇千人疊於諸翟
新涇大場華漕野雞墩等處擊賊勝之旋與官軍約會勦眞
如鎮賊官軍失期不至鍾璠以兵勇不能聯絡必致僨事乃
亟以書抵總督曾文正請分兵來蘇并致書於李文忠具陳
大勢文忠與鍾璠同年舊交得書忼慨請行鍾璠卽與應觀
察寶時密議雇輪船泝江越賊境迎師旣至鍾璠卽遵 旨
回京供職旋署工部侍郎補禮部侍郎典湖南鄉試督順天

年卒官年六十七享豫長身鶴立儀容甚偉性喜談諧雖處倉卒不改常度善於靜鎮故才足濟變而無赫赫名著有願

學堂詩集奏議若干卷

墓志參家述

朱根仁字體齋常熟廩貢生以軍功知縣官定遠訟至立結吏胥不能因緣爲奸捐廉給士子膏火振孤寡數樹畜單車循行董勸不怠百姓至今誦遺愛焉歷署懷甯阜陽貴池補全

椒卒於官

安徽通志參楊沂孫志墓

曾觀文字伯偉道光甲辰舉人候選國子監助教以養母家居爲人伉爽有幹才庚申寇警督團堵禦甚力癸亥邑城復隨同當道撫降寇籌善後甲子二月常州賊來襲拒守七晝夜

常昭合志稿

卷二十七

人物六 耆儒

吳

尤有功敘勞加五品銜戴花翎邑中有大工役若賑濟常爲主辦暇則以肄書自怡長子金章字印若甲子舉人內閣中書以校對方畧加五品銜性沈靜寡交游居官後以耿介稱丁丑豫晉大禋侍郎袁保恆奉命辦賑金章隨往總司稽察不避勞怨手定章程具有條理事竣晉侍讀銜平生以道義自重人亦以是推之兵部郎吳江沈霖溥非素交也家貧子幼病中以身後相託其家旋並以疫亡金章爲籌喪葬并置產立嗣其重然諾多視此尋卒於官

家述

楊泗孫字鍾魯號濱石希鈺次子咸豐壬子一甲二名進士授編修入直南書房庚申扈蹕熱河擢侍講升太常寺少

學政調戶部侍郎署兵部侍郎調吏部侍郎升都察院左都御史署工部尙書升刑部尙書丁母憂光緒二年卒年五十五遺疏上得 旨賜祭葬予謚文恪鍾璫幼有異稟每夜靜坐神能出游自言所見次日家人訪之果符性和而介卅年京宦囊橐蕭然周歷六官供職勤慎其衡文尤爲人所推服多所建白而奏稿皆不存錄所著有 文廟祀典考及讀均

軒詩賦稿

邵松年據史傳年譜家述輯

邵亨豫字沐生元章子道光庚戌由宛平籍成進士選庶吉士授編修分校禮闈升贊善典河南鄉試視學安徽咸豐己未江南借浙闈鄉試以號舍少議緩試安徽亨豫爭之得同試

常昭合志稿

卷二十七

人物六 耆舊

辛

監臨試事皆亨豫主之旋因疾乞歸同治二年補原官遷國子監祭酒視學福建始創提覆童生之法升內閣學士遷禮部侍郎旋由倉場侍郎爲陝西巡撫時陝亂甫平餉糈支絀各軍多譟潰亨豫相機撫定光緒元年陝甘始議分闈鄉試左文襄公欲分甘額爲四十亨豫再四籌商而陝額乃得不減再因病解任還京逾年授湖北巡撫旋調湖南值永綏益陽岳州等處匪徒竊發均遣兵擊平之時西洋教士隨處游歷獨湘人力阻不許闖入忽有乘舟至省者挾刃欲登岸土人洶洶勢將肇釁亨豫以理約飭來者數次皆得無事尋復入爲禮部侍郎調吏部侍郎偶中風疾乞休有 旨慰留九

卿丁父憂繼丁母憂服闋補原官仍入直旋以眩暈疾乞休
家居十六年光緒己丑卒年六十七泗孫秉性篤誠持躬淡
樸丁巳湖南己未福建壬戌山東三典鄉試皆兼兩榜分校
庚申癸亥會試甲子鄉試得士爲盛服官尤主慎密有所建
白多不存稿居鄉不與聞公事而地方官以一鄉利弊相質
者從容謀議不厭其煩戊辰濬白茆港癸未濬福山塘竺塘
涇以修水利戊子開奚浦以工代賑其議皆自泗孫發之王
運撰傳兄沂孫以善書名海內別詳書家弟汝孫字書城增
參臺志貢生五品銜候選訓導以兩兄宦游獨居家養親不出仕